

EASY LANG ANG KOMPOSTING



Bais City, Negros Oriental

IBA'T-IBANG PARAAN SA PAGGAWA NG KOMPOST



Alam n'yo ba na halos 60% ng ating basura'y biodegradable at maaring ma-kompost? Ang kompost ay mabuti para sa ating mga halaman. Simple lang ang komposting. At nusa inyo kung gusto n'yo ng maliliit o malakihang pag-kompost.

Ang kompost ay organic material na may lamang pampatabang-lupa. Galing ito sa mga pinagfabasan ng gulay, balat ng prutas, winalis na dahon, dama, at iba pang nabubulok na bagay. Ang kompost ay nakabu-buti sa lupa, 'di tulad ng abonang kemikal na nakasasama sa pangmatagalang gamit.



Sundin lang ang sumusunod na mga hakbang para gumawa ng kompost sa bakuran.

GAGAMITIN: Pira-pirasong sanga ng kahoy, dahon, dama, kusot, lupa, dumi ng alagang hayop (tiyaking walang sakit ang mga ito) o kaya'y dahon ng ipil-ipil o kakawate (pinangga-galigan ng nitrogen para sa mikrobyo), pinagbalatan at pinagfabasan ng prutas at gulay.



Pagko-kompost sa bahay



DI-GAGAMITIN: Mga bute-bute (baka halungatin ng aso), mga parte ng maysakit na halaman, dumi ng maysakit na hayop.

Humanap ng lugar na maddaling paglagyan ng organikong materyales, mas mainam yung may lilim. Ang sukat ng lugar ay depende sa pangangailangan.



Step 1: Sa lugar na napili (tiyakang ang ilalim nito ay lupa), pagpatong-patungin ang pira-pirasong sanga ng kahoy (kahit iba't-ibang haba, okay lang). Ito ay para makapasok ang hangin sa kinakompost na materyal.



Step 2: Ilagay ang pinaghalang dahon, damo, balat ng prutas, lantang gulay, kusat, atbp. Dapat ay mamasa-masa (ito. Kung kailangan, wisikan ng tubig (' wag lang sobra).



Tandaan: Ang malalaking bagay ay dapat putul-putulin o gayatin upang mas mabilis ang pagkokompost.

Step 3: Ilagay ang dumi ng hayop (ito ay pinanggagalingan din ng mikrobya at nitrogen na kailangan sa pagkokompost) na walang sakit. Kung wala nito, pwede din ang dohon ng ipil-ipil o kakawate para magkaroon ng nitrogen ang mga mikrobya. Wisikan ng tubig kung kailangan.



Step 4: Ilagay ang lupa (1 inch ang taas ng patong). Ang lupa ay may mikrobya o amag na nagpapabilis ng pagkokompost. Ang dami ng lupa ay nasa 20% ng kabuuang kompost.



Kung maraming iko-kompost, ulitin ang proseso (mula sa Step 2) hanggang sa ang pinagpatong-patong na basura at ibang sangkap ay umabot sa isang metro ang taas. Kung okay na, takpan ito ng dahon ng saging o buntan ng dayami para di madaling pasukin ng tubig ulan; at para makulab ang init na kailangan upang mapabilis ang pag-kompost.



Makaraan ang 5-6 na lingga, haluin ang kinokompost (ang paghala ay mula sa tabi ng buntan papunta sa gitna). Gawin ito minsan isang lingga (o higit pa kung kailangan) para mapabilis ang pagkokompost. Wadikan ng tubig tuwing kailangan.



Ang kompost ay maaari nang gamitin kung ito ay maitim at may lupa na at malamig na sa pakiramdam (ito ay nangyayari makaraan ang 3 buwan).



Madali pa lamang, di ba? At may iba pang mga paraan ng simpleng pagkokompost, nasa susunod na pahina.



Pagpatungin ang mga lumang gulong at dito ilagay ang ika-kompost. Sundin ang prosesong ikinuwenta kanina. Lagyan ng mga bagay na gaya ng kahoy sa pagitan ng mga gulong para makapasok ang hangin. Kung ipapatong ang mga gulong sa sementadong sahig, lagyan ng lupa sa ilalim.



Gulong na patang-patang

Maaari ding gumamit ng lumang drum at lalagyan ng tubig (tanggalin ang ilalim) o mga lumang sako, tiklis o fish net na wala nang tahi sa ilalim, at may support na maliit na sanga ng kahoy sa ilalim. Sundin uli ang prosesong kinuwenta kanina. Lagyan ng daluyan ng hangin.



Kompost na walang ilalim

Paggamit ng mga paso



"Pag tayo'y nag-kompost, malaki ang mababawas sa itatapang basura. Lilitis ang paligid, may magagamit tayo sa ating mga tanim at matutulungan pa natin ang gobyernong makatipid -- dahil mahal ang serbisya sa pangangalekto ng basura at paggawa ng malaking disposal facility. Mag-kompost tayo, kayang-kaya natin ito."



Maganda ng 10 paso at isa-isa gamitin. Lagyan ng pinaghalong lupa, dahon, kusot, at iba pa ang paso, kasunod ang tinadtad na mga basurang nabubulek. Lagyan uli ng pinaghalong lupa, dahon, atbp. Kung napuno na ang ika-10 paso, tingnan ang laman ng unang paso kung pwede na itong gamitin. Minsan, mabilis and pagkokompost kung ito ay kaunti lamang.

Tandoan

- 1) Putulin o gayatin nang maliit ang mga basura upang mas mabilis mabulek.
- 2) Huwag magsiga malapit sa kompost. Maaaring mamatay ang mga organismo o mikrobyong nagpapabilis ng pagkompost.
- 3) Panatilihin mamasa-masa ang kompost; wisikan ng tubig kung kailangan.
- 4) Dapat may daluyan ng hangin.
- 5) Siguraduhing may lupa sa ilalim ng ika-kompost.

Haluan at tabunan ng lupa ang kompost. Ang lupa ay may likas na mikrobyo na kailangan sa komposting. Ang dami ng lupa ay dapat na 20% man lamang ng kabuuan ng kompost.

Maramihang pagkokompost

Para sa maramihang pagkokompost, maaring gumamit ng kawayan, mga gulong, screen/chicken wire mesh, o kaya ay hollow blocks. Idisenyo ang mga composting bins na magkaroon ng daluyan ng hangin.



Bais City, Negros Oriental



Jagna, Bohol



Duero, Bohol

Para sa karagdagang impormasyon:



USAID
FROM THE AMERICAN PEOPLE

